

SL-NA 11 ELIZONDOA

I.I.D.E.:

Elizondo– Lekaroz ikastetxea – Irurita – Aitzano – Gartzain - Ariztegi - Elizondo

Luzeera: 8,430 km

Desnibela: 150 mt

Zailtasuna: ERREZA

Elizondoa koarteleko (Baztango eskualde tradizionala, Erberera, Basaburua eta Baztangoizarekin batera) ibilaldia, hainbat herri eta auzotan barrena. Bide errexak, batzutan asfaltatuak, eta belagi zabalen artean. Arkitektura zibil eta erlijiosoaren adierazle, hainbat jauregi-dorre eta nekazal etxalde eder, eta herriko elizak bidean zehar agertzen dira. Ibilbidea osatzeko Elizondoko Purosenea etxeko “Jorge Oteiza” Etnografia Museoa bisitatzen ahal da.

IRTEERA > Elizondo, Foru Plaza (Baztango Udal Etxea eta kioskoa), N-121 B errepidearen ondoan. Herrian hainbat ostatu, jatetxe eta alojamendu badago.

OHARRAK

- Lekarozko Institutotik Irurita herrirainoko tartean NA-4403 errepidetik ibili behar da, arzenik gabe.
- Ibilbidearen hasieran Santiagoko Bideko seinalizazioa (gezi horiak) eta GR-11arena (txuri gorriak) aurkituko ditugu; erne ibili.
- Elizondoko sarrera Saskaitz iturritik bidexka batetik egiten da, euria edo eguraldi txarrarekin lohitsuia izaten ahal dena.

DESKRIBAPENA

0,000 km: ELIZONDO (200 mt), Foru Plazatik Karrika Nagusian barna; 250 mt geroxeago, Txokotoko zubian Baztan erreka zeharkatu eta ezkerrera egin, erreka baxterretik (B. Iriarte karrika). Tarte honetan Purosenea etxeko “Jorge Oteiza” Etnografia Museoa ondotik pasatuko da.

0,505 km: Bidegurutzeta. Eskuinetik (I.M.>) GR 11 ibilbidea. Zuzen segi (H.M.>), B. Iriarte karrikatik eta eraikuntza berrien artean. Ia 500 mt aurrerago herrigunea bukatu eta, bide zabaletik, “pausutxar” zeharkatu (bi harlauzek zutik pasua mugatzen duten lekua).

1,040 km: Bide asfaltatuarekin bat, eskuinetik, Elizondotik datorrena

1,620 km: Lekarozko D.B.H. Institutoa eta NA-4403 errepidea. Haren baxterretik segitu, metro batzuek aurrerago kisulabe baten ondotik pasatuz (kare edo kisu bizia egiteko labea); 330 mt aurrerago, Lekarozko herriko bidegurutzetan, ezkerreko errepidetik segi (M.>).

2,590 km: Arrazkazan auzoko bidegurutzeta (185 mt). Zuzen segi eta Baztan erreka zeharkatu; 200 mt aurrerago, Abere Hiltegiaren, Bidasoako Trenbidea (“Tren Txikito”) zena zeharkatu.

3,460 km: IRURITA (210 mt), Herriko Plaza, etxe dotorez inguratua. N-121 B errepidea zeharkatu eta bifurkazioa: eskuinetik (H.>) Santiagoko Bidea (Eugi eta Zigako NA-174 errepidea); ezkerretik segi (H.E.>), San Salvatore herriko elizaren aintzinetik. Karrika nagusia mantendu eta 250 mt aurrerago, azkeneko etxeetan, zementozko malda pikua hasiko da.

3,790 km: Bifurkazioa. Ur biltegira doan bide zementatua utzi eta ezkerreko bidetik zuzen segi, belagietan barna. Ibilbidearen ikuspegi zabala.

4,125 km: Lepo txikia (250 mt) eta bidegurutzeta. Ezkerretik segi (E.>), harresiek mugatutako bide zabal eta zelaian barna.

4,800 km: Aizano Auzoa, ia 100 mt lehenago labadero ondotik pasa eta gero; etxalde haundi eta ederrak. Iturria eta aska, eta bidegurutzeta: eskuinetik, Ezkaldora igotzen den bidea; ezkerretik jeitsi (I.>), NA-2594 errepidetik.

5,190 km: GARTZAIN (235 mt), frontoia, eliza, eskola eta etxe bakan batzuek osaturiko herrigunea; iturria. Errepidetik segi, herritik ateratzen.

5,320 km: Bifurkazioa. NA-2594 errepidea utzi eta eskuineko bide kaltzadatik jeitsi (E.>), harresi eta hurritzen artean eta erreka zoko ozpelean barna, ia 500 mt aurrerago zeharkatu behar dena. Tarte zelaia egin eta gero, Ariztegiko lehenengo etxeak agertzen dira.

6,230 km: Ariztegi auzoa (205 mt), etxe sakabanatuak. Pilarika ermita eta bidegurutzeta: ezker eta eskuineko bideak utzi eta ermitaren ezkerretik segi (I.E.>), etxe ederren artean; 100 mt eta gero zuzen segi, mendian gora doan zemantuzko pistatik auzotik ateratzen.

6,875 km: Bifurkazioa, mendi bizkarrean (270 mt). Pista nagusia utzi eta ezkerreko jo, belagien arteko bide zelaitik; 250 mt aurrerago, eskuinera jo, basoan sartu eta bidexkatik jeitsi.

7,295 km: Bide zabala eta Elizondoko lehenengo etxe sakabanatuak. Jeitsiera basoan barna; 200 mt aurrerago, eskuinean, Saskaitz iturria. Elizondoko herrigunea eta Lanbide Eskola.

8,240 km: Etxaide auzoko bide asfaltatua eta GR-11 ibilbidearen pasagunea. Ezkerreko jo eta Santiagoko eliza aurreko plaza zeharkatu.

8,430 km: ELIZONDO (200 mt). Foru Plaza (Baztango Udal Etxea eta kioskoa). Ibilbidearen hasiera eta bukaera.